

Ժողովուրդ

115
(2965)

30 օգոստոսի ուրբաթ 2024
տպագրության ԺԳ տարի

Է. Երեւան, Արմավյան 22ա/3 (0010)

+ 374 10 546423

info.armlur@gmail.com, info.zhoghovurd@gmail.com

100 դրամ

ՈՐԹԵՐԹ ՎԱՐԿ ՈՒՆԻ ՀԱՅԱՍՏԱՆԵՐ



ՀՀ պետական պարտքը շարունակում է աճել: «Ժողովուրդ» օրաթերթը ՀՀ վիճակագրական կոմիտեից տեղեկացավ, որ ՀՀ պետական պարտքը 2024 թ. հունիսի 30-ի դրությամբ կազմել է 4,718.9 մլրդ դրամ (12.2 մլրդ ԱՄՆ դոլար), որից 2,424.4 մլրդ դրամը (6.3 մլրդ ԱՄՆ դոլարը) կազմել է արտաքին պարտքը, 2,294.6 մլրդ դրամը (5.9 մլրդ ԱՄՆ դոլարը)՝ ներքին պարտքը: Նախորդ տարվա նույն ժամանակահատվածի համեմատ դոլարային արտահայտությամբ ՀՀ պետական պարտքն աճել է 9.5%-ով, իսկ դրամային արտահայտությամբ՝ 10.0%-ով: Կառավարության պարտքը նույն միտումներն է ունեցել. դոլարային արտահայտությամբ աճել է 10.3%-ով, իսկ դրամային արտահայտությամբ՝ 10.8%-ով:

Հետաքրքիրն այն է, որ հեղափոխության առաջին տարիներին պետական պարտքի չափը նվազեցնելու մասին վանկարկող իշխանություններն այնքան են խախտել պետությունից ֆինանսական ելքերն ու մուտքերը, որ հատել ենք պետական պարտքի թույլատրելի շեմը:

«Ժողովուրդ» օրաթերթը կառավարությունից պահանջել էր տրամադրել, թե 2018 թվականից մինչև 2024 թվականի օգոստոսի 8-ը.

1. քանի՞ վարկ է ձեռակերպվել Հայաստանի Հանրապետության անուկից
2. նշված վարկերը միասին որքան (դրամ) են կազմում
3. ներկայացված վարկերը ո՞ր երկրներից են ո՞ր բանկերից են վերցված. բոլոր վարկերի վերաբերյալ ներկայացրե՞ք տեղեկությունը՝ հատ առ հատ:
4. առանձին-առանձին ներկայացրե՞ք նաեւ, թե ո՞ր վարկը քանի՞ տարով է ձեռակերպված:

«Հատ» բառը շեշտված չէ պատահաբար, այն հարցմանն առավել հստակ պատասխան ստանալու համար է:

Ինչե՞ն, ինչպե՞ս ակնկալում էինք՝ պատկերը, մեղմ ասած, վախեցնող էր:


Նախ, որպես փաստ արձանագրենք, որ 2018 թվականից հետո ձեռակերպված վարկերի մարման ժամկետը 25 տարի է՝ գրեթե մինչև 2050 թվականը, ավելի կոնկրետ՝ ժամկետները ձգվում են Հայաստանի վերափոխման մինչև 2050 թվականի ռազմավարության ավարտը:

Մանրամասները՝ ArmLur.am կայքում:

«Ժողովուրդ» օրաթերթի տեղեկություններով՝ Նիկոլ Փաշինյանը սեպտեմբերի մեկին այցելելու է Կիրանց գյուղ: Կիրանցի բնակիչները մեզ փոխանցում են, որ Նիկոլ Փաշինյանը մասնակցելու է գյուղի Գագիկ Վարդանյանի անվան հիմնական դպրոցի բացմանը, որը Փաշինյանի իշխանության օրոք դարձել է սահմանափակ թշնամու կողմից մոտ դիտարկելի: Գյուղի բնակիչներից շատերը «Ժողովուրդ» օրաթերթի հետ զրույցում պատմեցին, որ գյուղում 5 առաջին դասարանից կա, որոնց մի մասը դպրոց չի հաճախելու հայրենի գյուղում, քանի որ ծնողները խիստ մտահոգ են. դպրոցը նոր գծված սահմանից ընդամենը 40-50 մետր հեռավորության վրա է ու արդրեջանցի սահմանապահների թիրախում: Փաշինյանը, սակայն, գնալու է իր քաղաքական դիվիդենտները շահելու, թե դպրոցի բացման է մասնակցում: Հիշեցնենք, որ ավելի վաղ Նիկոլ Փաշինյանը հայտարարել էր, որ եթե հարկ լինի, բնակիչներից ներողություն խնդրելով՝ Կիրանցում նոր դպրոց կկառուցեն: «Մենք պատրաստ ենք անվտանգության հավելյալ միջոցներ գործարդել նոր դպրոցը շահագործելու համար, բայց եթե հավելյալ անվտանգային միջոցներից հետո էլ տեղի բնակիչները հարմար չգտնեն երեխաներին այդ դպրոց ուղարկել, մենք պատրաստ ենք կառուցել նոր դպրոց, իսկ այդ շենքը ծառայեցնել այլ նպատակի»: Հիշեցնենք նաեւ, որ նույն դպրոցի մասին «Հանրային» հեռուստաընկերության եթերում խոսելով՝ Փաշինյանը հայտարարել էր, թե անվտանգության նկատառումներից ելնելով՝ ծառ կտնկեն դպրոցի տարածքում:



Երեկ՝ երեկոյան, Նիկոլ Փաշինյանի գլխավորությամբ ԶԳ-ն հերթական նախաձեռնող նիստն է հրավիրել: Այս անգամ նիստի հիմնական զեկուցողը աշխատանքի եւ սոցիալական հարցերի նախարար Նարեկ Սկրտչյանն է եղել, որն իր ոլորտում կատարված աշխատանքն է ներկայացրել: Նիստին ներկա է եղել նաեւ ԲՏԱ նախարար Մխիթար Հայրապետյանը: «Ժողովուրդ» օրաթերթը տեղեկացավ, որ հերթական անգամ ԶԳ նիստից առաջ բոլոր ներկաների հեռախոսները հավաքել են՝ «սիլվներից» խուսափելու համար: Նիստը տեւել է 3-4 ժամ: Մեր տեղեկություններով՝ ԶԳ նիստը բավականին ջերմ մթնոլորտում է անցել, Նիկոլ Փաշինյանն ու ԶԳ-ականները սիրալիր վերաբերմունք են դրսևորել նախարար Նարեկ Սկրտչյանի նկատմամբ եւ, ըստ էության, ցույց են տվել, որ գոհ են նրա աշխատանքից:



«Ժողովուրդ» օրաթերթը ՀՀ վիճակագրական կոմիտեից տեղեկանում է, որ 2024 թ. հուլիսին շինարարության աճը կազմել է 17.7%՝ հունիսի ամսվա համեմատ դանդաղելով 0.3 տոկոսային կետով, իսկ հունվար-հուլիս ամիսների աճը կազմել է 16.1%՝ արագանալով 0.4 տոկոսային կետով: Վերջինս հիմնականում պայմանավորված է բնակարանային շինարարության աճով, սակայն հատկանշական է, որ սկսել են աճել բնակչության միջոցների հաշվին իրականացվող շինարարության ծավալները, այն դեպքում, երբ նախկինում աճը տեղի էր ունենում հիմնականում կազմակերպությունների միջոցների հաշվին: Այսինքն՝ հիփոթեքային վարկերը դարձել են շինարարությունն առաջ մղող խթան. մարդկանց վճարած գումարով մի ամբողջ շենք է կառուցվում: Հետաքրքիր փաստ կարելի է արձանագրել, որ շինարարական բուռն, որին հաջորդեց եկամտահարկի վերադարձի օրենքով բնակարանների ձեռքբերումը, սառույցի պես կանգնել է տեղում եւ դադարում է առաջ գնալուց: Տեսեսագետները նշում են՝ կարելի է սպասել նաեւ գնի անկման, որը աստիճանաբար կբերի ոլորտի ապակայունացման: Բնակարանաշինության դեպքում զրո ամբողջ նվազումն էլ կարող է հանգեցնել ֆինանսական անկման կառուցապատողների համար: Այսինքն՝ առաջարկ կա՝ գինը ցածր է, պահանջարկ կա՝ բարձրանում է: «Ժողովուրդ» օրաթերթի ուսումնասիրությունները փաստում են, որ եկամտահարկի վերադարձի օրենքի չեղարկումից հետո, հնարավոր է, բնակարանների վաճառքը քչանա, սակայն սանդղակը գուցե կրկին բարձրանա՝ մարզերում մեկնարկելուց հետո:



ՔԱՂԱՔԱԿԱՆ

ԶՐՈՒՅՑ

ՏԵՄԱԽՅԻՆՈՎ ՉԵՆ ԿԱՐՈՂ ՎԱՆՑԱԳՈՐԾՈՒԹՅՈՒՆ ԵՎ ԱԶԵՑՆԵԼ

«Ժողովուրդ» օրաթերթը գրուցել է հրատարակիչ, հասարակական գործիչ Արմեն Մարտիրոսյանի հետ, մասնավորապես ֆինանսիկական ներքին գործերի նախարարության նոր առաջարկը՝ 100 ԲԱ մակերեսով մանրածախ օբյեկտների, վառելիքի վաճառքի կետերի և հանրային սննդի ավելի քան 50 ԲԱ սարածով օբյեկտների, բանկերի, գրավասների, դեղասների, սրճարանների, ռեստորանների մուսֆի ու շինարարական մյուս կողմերում սեռախցիկներ տեղադրելու և դա օրենքով դարձնելու դարձնելու վերաբերյալ:



«Պարոն Մարտիրոսյան, կառավարությունը Նոր Նախագիծ է հեղինակել, որն Ազգային ժողովում առաջին ընթերցմամբ ընդունվել է: Առաջարկվում էր 100 քմ-ից մեծ մակերես ունեցող առևտրի օբյեկտները եւ 50 քմ-ից ավելի մակերես ունեցող հանրային սննդի օբյեկտները եւ հանրային այլ վայրեր տեսախցիկով, ամենօրյա ռեժիմով հսկելու օրինագիծ: Նախագծի հեղինակներն են մասնավորապես ՆԳՆ-ն եւ իշխանական պատգամավոր Հայկ Սարգսյանը: Դուք եւս անդրադարձել էիք այս հարցին եւ քննադատել՝ Նշելով, որ սրանով են բիզնեսն եւ Հայաստանում վտանգի ենթարկվելու, եւ ոստիկանությանը անհարկի հնարավորություն է տրվելու քաղաքացիների վերաբերյալ խիստ անձնական տվյալների հասանելիություն ստանալ: Ի՞նչ կասեք այժմ:

յուրաքանչյուր 50 քմ տարածք ունեցող հայաստանցի ավելի ունակ է լինելու պաշտպանելու: Հետո, ինչո՞ւ պետք է որեւէ քաղաքացու սրճարան կամ հյուրանոց գնալը, խանութ մտնելը եւ այնտեղից որեւէ ապրանքով դուրս գալը որեւէ ոստիկան իմանա: Ինչո՞ւ պետք է ոստիկանն իմանա, որ քաղաքացին մտնում է բանկ եւ այնտեղից գումար կանխկազմած դուրս գալիս: Ոստիկանության վերաբերյալ, թե՛ խորհրդային, թե՛ անկախ շրջանի մեր պատմությունը մատնացույց է անում, որ խարդախություններում, գողություններում ամենաշատը հենց ոստիկաններն են ներգրավված:

Այսինքն՝ այստեղ մարդկանց իրավունքի, անձնական տարածքի խախտում կա նաեւ:

Իհարկե կա, եւ արտադրային է, որ իբրեւ այդ օրենքի կիրառման օրինակ՝ ներկայացնում են, թե Լոնդոնում որքան լավ է գործում այն: Հաշվի չեն առնում Լոնդոնում բողոքականներ են, երբ Հայաստանում կրոնը կփոխեն բողոքականության, երբ կանցնի 25-30 տարի եւ հայաստանցիները կունենան այնպիսի վարքագիծ, ինչպիսին պրոտեստանտները, որն էլ նշա-

նակում է՝ շատ բարձր պետք է լինի ՀՆԱ միջին ցուցանիշը, աշխատանքի արդյունավետությունը, կենսամակարդակը, երբ հայաստանցիները գիտությամբ կզբաղվեն, կկազմեն տիեզերքը, այդ ժամանակ, իհարկե, թող ընդունեն օրենքը: Նրանք, սակայն, բերում են կայացած պետության ու ժողովրդի վարքագիծ եւ ասում ոստիկանները պետք է վերահսկեն քաղաքացիներին: Ինչպե՞ս են կարողանում համեմատվել Լոնդոնի հետ: Մեծ Բրիտանիայի օրենքում սեռով սպիտակի վրա գրված է. «Քաղաքացի, ես քեզ սիրում եմ», մինչդեռ այստեղ ոստիկանները քաղաքացիների հետ վարվելու կանոններին տիրապետել չեն ուզում, եթե անգամ որեւէ պատահականությամբ քաղաքացին հայտնվի ոստիկանական բաժանմունքում, նրան վերաբերվում են ինչպես գողի եւ հանցագործի: Ինչպե՞ս է քաղաքացիների հետ խոսում պարեկային աշխատակիցը. թեպետ հույս ունեինք, որ Նոր պարեկների ներդրման համակարգը որեւէ դրական փոփոխության կբերի, բայց, միեւնոյնն է, տեսնում ենք նրանց կողմից անարգանք քաղաքացիների նկատմամբ:

Զրուցեց ՔՐԻՍՏԻՆԱ ՍՈՒՇԵՂՅԱՆԸ

ՈՒՋԲԵԿՍՏԱՆԸ ՍՏԵՓԱՆԱԿԵՐՏՈՒՄ ԳՈՐԾԱՐԱՆ ԿԿԱՌՈՒՑԻ

Ադրբեջանը եւ Ուզբեկստանը շարունակում են խորացնել դաշնակցային հարաբերությունները: Այդ մասին գրում է Ermenihaber.am-ը:

Երկկողմ հարաբերությունների դաշնակցային մակարդակի բարձրացման պատճառը այն է, որ Ուզբեկստանն արցախյան հարցում Ադրբեջանին բացահայտ աջակցություն է ցուցաբերել եւ ցուցաբերում:

Ուզբեկստանն Արցախում հաղթ է գալիս ներդրումային ծրագրերով՝ 2021-ին Վարանդայի շրջանում (Ֆիզուլի) Սիրգե Ուլուբեյի անունով դպրոց է կառուցել՝ 960 աշակերտի համար:

Ինչպես նաեւ հայտարարվել է, որ Ստեփանակերտում կկառուցվի տեքստիլ գործարան եւ աշխատանքով կապահովվի 1000 մարդու: Այդ գործարանը կլինի օկուպացված Ստեփանակերտում առաջին օտարերկրյա ներդրումը:

ԿԱՐԵՎՈՐՎԵԼ Է ԱՐՑԱԽԻ ՀԱՐՑԸ

Հանդիպում է տեղի ունեցել Արցախի խորհրդարանի պատգամավորների հետ. քննարկվել է Արցախի հարցը:

ԱՀ Ազգային ժողովի նախաձեռնությամբ օգոստոսի 28-ին Արցախի ժողովրդի հավաքական հայրենասիրական եւ հիմնարար այլ իրավունքների պաշտպանության հանձնախմբի անդամները հանդիպում են ունեցել Արցախի խորհրդարանի պատգամավորների հետ: Հանդիպմանը մասնակցել են հանձնախմբի աշխատանքները համակարգող, Հայաստանի Հանրապետության նախկին արտգործնախարար Վարդան Օսկանյանը, անդամներ՝ Արցախի Հանրապետության ՄԻՊ Գեղամ Ստեփանյանը, քաղաքագետ Կարեն Բեքարյանը, ներկա է եղել նաեւ ԱՀ ԱԳ նախարար Սերգեյ Ղազարյանը:

Հանձնախմբի ընդհանուր կատարած աշխատանքների մասին զեկույց է ներկայացրել աշխատանքները համակարգող, ՀՀ նախկին արտգործնախարար Վարդան Օսկանյանը: Կարեն Բեքարյանը ներկայացրել է քարոզչական դաշտում ծավալվող աշխատանքները եւ կարելուրել Արցախի հարցը վառ պահելու անհրաժեշտությունը:

Գեղամ Ստեփանյանը պատգամավորներին մանրամասներ է ներկայացրել միջազգային ասպարեզում ՀՀ-ի Հայ Դատի գրասենյակների եւ այլ կառույցների հետ համագործակցության, մարդու իրավունքների եւ Արցախի հարցերով արտասահմանում կայանալիք առաջիկա հանդիպումների եւ միջոցառումների մասին:

Արցախի խորհրդարանի պատգամավորներն իրենց հարցերն են ուղղել եւ առաջարկներ ներկայացրել հանձնախմբի առաջիկա գործունեության կապակցությամբ:

ՀԱՅ-ԱՊՐԵՋԱՆԱԿԱՆ ԶԱՆԿԱՐՈՎԱՆ՝ ԵՌԱՆՈՎՄ ՊԱՅՄԱՆԱՎՈՐՎԱԾՈՒԹՅԱՆ ՄԱՍԻՆ

Ռուսաստանի, Հայաստանի եւ Ադրբեջանի ղեկավարների եռակողմ պայմանավորվածությունները կասկածի տակ դնելու փորձերը խիստ վտանգավոր են, քանի որ դրանք հայ-ադրբեջանական հաշտեցման հիմքն են: Այս մասին հերթական ճեպագրույցի ժամանակ ասել է ՌԴ ԱԳՆ պաշտոնական ներկայացուցիչ Մարիա Զախարովան:

Նրա խոսքով՝ ՌԴ-ում կարծում են, որ եռակողմ պայմանավորվածություններին այլընտրանք այս պահին չկա, եւ դա չեն հերքում նաեւ Հայաստանում:

«Պայմանավորվածություններն ընդգրկում են Բաքվի եւ Երեւանի միջեւ կարգավորման բոլոր առանցքային ուղիները, ներառյալ՝ խաղաղության պայմանագրի մշակումը, սահմանների դեֆինիտացիան, սահմանազատումը, տարածաշրջանում տրանսպորտային հաղորդակցությունների ապաշրջանակումը, քաղաքացիական հասարակության գծով շփումների զարգացումը: Դրանք կասկածի տակ դնելու փորձերը չափազանց վտանգավոր են,

կարող են կողմերի փոխադարձ պարտավորությունների վակուում ստեղծել երկկողմ հարաբերությունների շարունակական չկարգավորված լինելու պայմաններում», - Նշել է դիվանագետը:

Նա նաեւ հավելել է, որ Հայաստանի եւ Ադրբեջանի ղեկավարները հաստատել են կառուցողական երկխոսությունը շարունակելու մտադրությունը:

«Ի դեպ, մենք ավելի վաղ Նշել էինք, որ հայ-ադրբեջանական կարգավորումը առարկայական քննարկվել է օգոստոսի 18-19-ին Ռուսաստանի նախագահի Ադրբեջան կատարած պետական այցի շրջանակներում: Դրան անդրադարձ է կատարվել նաեւ օգոստոսի 23-ին՝ ՌԴ նախագահի եւ ՀՀ վարչապետ Նիկոլ Փաշինյանի հեռախոսազրույցի ընթացքում: Ի դեպ, Երեւանի իշխանություններից, պաշտոնական իշխանություններից կարող եք ճշտել՝ այս բանակցությունների ընթացքում հայկական կողմը պաշտոնապես տեղեկացրել է, որ եռակողմ համաձայնագրերն այլեւս վավերական չեն համարում: Ինձ այդ մասին ոչինչ հայտնի չէ: Ադրբեջանի եւ Հայաստանի ղեկավարները հաստատել են կառուցողական երկխոսությունը շարունակելու իրենց հանձնառությունը:

Ռուսաստանի նախագահն իր հերթին ընդգծել է մեր կողմի պատրաստակամությունը, որ այսուհետ եւս անհրաժեշտ աջակցություն ցուցաբերել գործընկերներին կարգավորման գործընթացի բոլոր ուղղություններով՝ 2020-2022 թթ.-ին ձեռք բերված բարձր մակարդակի եռակողմ պայմանավորվածության հիման վրա», - ասել է նա:

ԱՅՑԵԼԵԼ ԵՆ ՄԻՋՊԵՏԱԿԱՆ ՄԱՐՄԱՆ

ՀՀ ԱԳՆ կենտրոնական ապարատի ղեկավար կազմի եւ արտերկրում դիվանագիտական ներկայացուցչությունների ղեկավարների տարեկան աշխատաժողովը եզրափակվել է Հայաստանի Հանրապետության Կիրանց բնակավայր, մասնավորապես՝ Հայաստանի եւ Ադրբեջանի միջպետական սահման այցելությամբ: Այս մասին տեղեկացնում են ՀՀ ԱԳՆ-ից:

ՀՀ դիվանագիտական ծառայության ղեկավար կազմի տեղում ներկայացվել են իրականացված եւ ընթացիկ աշխատանքների մանրամասները:

ԻՐԱՎԻՃԱԿ

ՆՈՐ ՓՈՓՈԽՈՒԹՅՈՒՆՆԵՐ

ԻՆՉ Է ՍՊԱՍՎՈՒՄ ԲՊ ՀԱՄԱԺՈՂՈՎԻՆ

ԹՈՒՐԲԵԱՅՈՒՄ ԳԱԶԱՅԻՆ ՀԱՐ ՀԻՄՆԵԼՈՒ ՎԵՐԱԲԵՐՅԱԼ

ՌԴ նախագահի խոսնակ Դմիտրի Պեսկովն անդրադարձել է Թուրքիայում գազային հարցի հիմնելու թեմային՝ նշելով, որ այդ հարցը Կրեմլի օրակարգում է, եւ կողմերը շարունակում են դրա վերաբերյալ ծրագրեր գեներացնել: Այս մասին հաղորդում է «ՌԻԱ Նովոստի» լրատվական գործակալությունը:

ԲՈՂՈՔՆԵՐ ԶՈՐԱԿՈՉԻՑ

2024 թվականի ամառային զորակոչին քաղաքացիների իրավունքներին առնչվող հարցերը եղել են ՄԻՊ Անահիտ Մանասյանի ուշադրության ներքո: Այդ մասին պաշտպանի գրասենյակը հաղորդագրություն է տարածել: ՄԻՊ աշխատակազմի մասնագիտացված ստորաբաժանումը՝ զինծառայողների եւ նրանց ընտանիքների անդամների իրավունքների պաշտպանության բաժինը, շուրջօրյա ռեժիմով հետեւել է գորակոչիչների իրավունքներին վերաբերելի հարցերին: Ընդհանուր առմամբ ամառային զորակոչին ստացվել է 145 գրավոր եւ բանավոր բողոք: Բողոքների մեծ մասը վերաբերել է բժշկական հանձնաժողովների եզրակացությունների հետ անհամաձայնություններին, կրկնակի եւ ստուգիչ հետազոտություններ անցնելուն, տարկետումներին, զինկոմիսարիատից կամ բժշկական հաստատություններից զորակոչիչների առողջական վիճակին վերաբերելի փաստաթղթեր ստանալուն, փորձաքննություններին: Բարձրացված մյուս հարցերը վերաբերել են ընտանեկան պայմանների հիմքով տարկետում ստանալուն, եղբայրների միեւնոյն զորամասում ծառայելուն, «Պատիվ ունենալ» ծրագրով ծառայություն անցնելուն, ծառայության վայրեր նշանակելու վիճակահանությանը եւ այլ հարցերին: Աշխատակազմում գրավոր ընթացակարգով քննարկվել է 51 բողոք, 18-ի դեպքում իրականացվել է արագ արձագանքում, եւս 76 քաղաքացու հարցի լուծմանը պաշտպանը աջակցել է խորհրդատվության միջոցով: Մարդու իրավունքների պաշտպանի աշխատակազմում զորակոչին առնչվող հարցերով իրականացվել են հետեւյալ աշխատանքները՝

- բողոքների քննարկման շրջանակում պարզաբանումների պահանջով եւ կոնկրետ առաջարկություններով գրություններ են հասցեագրվել ՀՀ պաշտպանության նախարարություն,
- արագ արձագանքումների շրջանակում քննարկումներ են նախաձեռնվել կենտրոնական բժշկական հանձնաժողովի, զինկոմիսարիատների, ՊՆ մարդու իրավունքների եւ բարեկարգության կենտրոնի, ինչպես նաեւ առողջապահական կազմակերպությունների հետ,
- համակարգային բնույթ ունեցող հարցերի եւ պաշտպանի տարեկան հաղորդմամբ ներկայացված առաջարկների իրացման վերաբերյալ առանձին քննարկում է տեղի ունեցել ՊՆ եւ ԳԾ տարբեր ստորաբաժանումների ներկայացուցիչների մասնակցությամբ:

ԲՊ կուսակցության վարչության որոշմամբ՝ 2025 թ. սեպտեմբերի 20-ին կայանալու է կուսակցության հերթական համաժողովը:

Իսկ ինչ է սպասվում կուսակցության համաժողովին: ԲՊ կանոնադրության համաձայն՝ կուսակցության հերթական համաժողովը հրավիրվում է երեք տարին մեկ անգամ՝ վարչության որոշմամբ սահմանված ժամկետում եւ օրակարգով: ԲՊ վերջին համաժողովը տեղի էր ունեցել 2022 թ. հոկտեմբերին: Համաժողովը նախագահում է վարչության կողմից որոշված վարչության անդամը:

Կուսակցության համաժողովին կարող են մասնակցել կուսակցության բոլոր անդամները, ինչպես նաեւ նրա անդամներից ընտրված պատվիրակները: Համաժողովին մասնակցության կարգը վարչության առաջարկով սահմանում է համաժողովը:

Մասնակցիների առաջարկությամբ համաժողովի ընթացքում փոփոխություններ են լրացումներ են կատարվում կուսակցության կանոնադրության մեջ եւ ծրագրում:

Համաժողովը քվեարկությամբ ընտրվելու է վարչության նոր կազմ. ընտրությունը կատարվելու է վարկանշային փակ քվեարկությամբ, որի ընթացքում նաեւ վարչության նախագահ են ընտրելու:

Օրինակ՝ կուսակցության նախորդ՝ 6-րդ համաժողովին «Քաղաքացիական պայմանագիր» կուսակցության վարչության նախագահ ընտրվեց Նիկոլ Փաշինյանը:

ԲՊ կանոնադրության համաձայն՝ կուսակցության համաժողովին հաստատվում է նաեւ ԱԺ հերթական ընտրություններում կուսակցության ընտրական ցուցակում թեկնածուների՝ առնվազն առաջին երեք



տասնյակը, իսկ դաշինքով ընտրություններին մասնակցելու դեպքում կուսակցությունների դաշինքի ընտրական ցուցակում թեկնածուների առնվազն երեք տասնյակը: Հաստատման ընթացակարգը վարչության առաջարկով որոշում է համաժողովը: Կուսակցության համաժողովում ընդունված որոշումները ընդունվում են համաժողովում ձայնի իրավունք ունեցող ներկաների ձայների մեծամասնությամբ, իսկ

կուսակցության կանոնադրությունում եւ ծրագրում փոփոխություններ են լրացումներ կատարելու, ղեկավար եւ վերահսկողություն իրականացնող մարմինների ընտրության, մշտապես գործող ղեկավար մարմնի ղեկավարի ընտրության, կուսակցության վերակազմակերպման եւ լուծարման մասին որոշումներն ընդունվում են համաժողովում ձայնի իրավունք ունեցող մասնակիցների ընդհանուր թվի ձայների մեծամասնությամբ:

Երիւշիկ ՄՈՒՆԵՂՅԱՆ

ՕՐՎԱ ԽՃԱՆԿԱՐ

ՄՊՕՐԻՆԱԲԱՐ՝ 2 ԱՄԻՍ ԱՆԱԶԱՏՈՒԹՅԱՆ ՄԵՋ Է ԵՂԵԼ

«Եթե նույնիսկ այս պահին Արմեն Աշոտյանին ազատ արձակեն, միեւնոյն է՝ նա 1 տարի 2 ամիս, ապօրինաբար, իր հայացքների ու հայրենասիրության համար գտնվել է անազատության մեջ», - այս մասին երեկ՝ օգոստոսի 29-ին, լրագրողների հետ զրույցում ասաց «Պատիվ ունենալ» խմբակցության ղեկավար Հայկ Մամիջանյանը:

Նա չցանկացավ լավատեսություն հայտնել եւ պնդել, որ սեպտեմբերի 15-ին Արմեն Աշոտյանն ազատ կարձակվի, ինչպես նշել են որոշ փորձագետներ:

«Եթե Փաշինյանն Արցախը չհանձնել, եթե մենք վատթարագույն մակարդակում չգտնվելիք մեր ստրատեգիական դաշնակցի հետ հարաբերությունների համատեքստում, եթե պատերազմի ժամանակ Հայաստանի համար օդային տարածքը մեր հարեւան եւ բարեկամ Կրաստանի եւ Իրանի հետ չփակվել, եթե որոշ երկրների ղեկավարներ լկտիաբար չխոսեին Հայաստանի մասին, եւ, ճիշտն ասած, թքած կունենայի՝ հեծանի՞վ է քշում Փաշինյանը, թե՞ «սամոկատ»: Ես չեմ մեկնաբանելու իր հեծանվային վոյաժները», - ասաց նա:

Անդրադառնալով քաղաքական իրավիճակին՝ ընդդիմադիր պատգամավորն ասաց, որ ՀՀ-ն միջազգային հարաբերություններում դարձել է օբյեկտ. առանց մեզ որոշում են, թե ինչ է տեղի ունենալու մեզ հետ:

«Երբեմն ասում են, որ մեզ կտեղեկացնեն, երբեմն դա էլ չեն ասում: Որեւէ մեկը իրական որեւէ գործընթացում ՀՀ-ին չի ներգրավում՝ որպես բանակցային կողմ: ՀՀ-ն որեւէ պահանջ չի ներկայացնում գերիների վերադարձի հետ կապված, որեւէ քննարկում չի ծավալում կապված ՀՀ սուվերեն տարածքը ադրբեջանցի զինյալների կողմից լքելու վերաբերյալ: Այդ առումով ինձ միեւնոյնն է՝ նա հեծանի՞վ կքշի, թե՞ «սամոկատ»»:

ԱՆԳՐԱԳԱՐՉ՝ ՎԱՐԺԱԿԱՆ ՀԱՎԱՔՆԵՐԻՆ

«Զինված ուժերում իրականացվող վարժական հավաքների նպատակների եւ դրա առանձնահատկությունների մասին բազմաթիվ առիթներով խոսել են», - այս մասին Ֆեյսբուքյան իր էջում գրել է ԱԺ «Պատիվ ունենալ» խմբակցության քարտուղար Տիգրան Աբրահամյանը:

«Այն, որ օրենսդրությամբ նախատեսված հավաքների սահմանում չի համապատասխանում իրականացվող գործընթացին, դա միայն հարցի մի կողմն է:

Եթե խնդիրը սահմանազդի պահպանության իրականացումն է եւ ուսուցման, հմտությունների կատարելագործման հարցը, ժամանակի մեծ մասը իրականում նախատեսված է մարտական հերթապահության համար, ապա դա էլ պետք է սահմանվի օրենքով:

Երկրորդ, սահմանային անվտանգության եւ մարտական հերթապահությունից բխող խնդիրները պետք է առաջնահերթ

լուծել կանոնավոր բանակի միջոցով, իսկ դրա համար ռեսուրսները պետք է ճիշտ թիրախների ուղղել, այլ ոչ թե բանակը փորձադաշտի վերածել:

Մեկ այլ կարեւոր խնդիր, որն անընդհատ քաղաքացիների դժգոհության առիթն է հանգեցնում:

Վարժական հավաքների մասնակցության որոշման հարցը, որը օրենքով մասնակի է կարգավորվում, իսկ արդարության սկզբունքներն ամբողջությամբ խախտված են:

Եթե վարժական հավաքները ռազմական ունակությունները կատարելագործելու եւ վերապատրաստելու նպատակ են հետապնդում, ապա ինչ տրամաբանությամբ են հավաքների կանչվում 44-օրյա պատերազմի մասնակիցները:

Հասկանալի է, չէ՞, որ 44-օրյալի ակտիվ մասնակիցները կամ այդ ժամանակահատվածում ծառայած քաղաքացիները «մարզավիճակում» են եւ նրանց հետ լոր ուսուցման ծրագրերը, որոշ բացառություններով, ակտուալ չեն:

Սա հատկապես այն պարագայում, որ կան քաղաքացիներ, որոնք 44-օրյա պատերազմին չեն գորակցվել կամ տարբեր պատճառներով չեն ներկայացել, իսկ վարժական հավաքներ կան ընդհանրապես չեն անցել կամ անցել են 10-15 տարի առաջ:

Ստացվում է, որ վարժական հավաքի բուն խնդիրներն ամբողջությամբ չեն ծառայում իրենց նպատակին, եւ չի գործում արդարության եւ տրամաբանության սկզբունքը:

Դեռ չեմ խոսում ռեսուրս «քերելու» եւ կոռուպցիոն հնարավոր սողանքների ու դիսկերի մասին», - գրել է նա:

ՂԱՏԱԿԱՆ ՎՃԻՌ

«ԱՌՈՒՇԱՆՅԱՆԸ ՉԻ ԿԱՐՈՂ ԲԱՂԱՔԱՊԵՏ ԼԻՆԵԼ»

Առու Առուանյանի հետ կապված կա դատական վճիռ, որի երեք հասկանալի մեկի հետ նա համաձայն չի եղել: Այս մասին երեք լրագրողների հետ զրույցում, ասաց ՀՀ արդարադատության նախարար Գրիգոր Մինասյանը՝ հավելելով, որ խոսքն Առուանյանի կողմից Գործի քաղաքացիական դատարանում գրառված արգելի մասին է:


Նախարարը շեշտեց, որ Առուանյանը տուգանքը վճարել էր, մնացյալ մասով էլ՝ համաձայնել:

«Ներկայացել է Սյունիքի մարզային պրոբացիայի ծառայություն, ծանուցվել է: Այստեղ նրանց փաստաբանները հարցեր են առաջ քաշում, որի հետ ես՝ որպես նախարար եմ պրոբացիայի ծառայության անունից խոսող մարդ, ասում եմ, որ համաձայն չեմ, բայց այստեղ մի կարեւոր նրբություն կա, որ մենք ունենք ընթացիկ դատական գործ, ուստի հատուկ կարծիք չասեմ», - նշեց Մինասյանը՝ պատասխանելով հարցին, թե արդյոք Առուանյանը ենթակա է կալանավորման, թե՛ ոչ:

Նրա խոսքով՝ կա դատարանի վճիռ, որտեղ հստակ գրված է, որ Առուանյանը չպետք է լինի քաղաքացի:

«Այստեղ 2 տարբերակ կա՝ կամ հրաժարական է տալիս մեր հարգարժան քաղաքացի, կամ ավագանին, իմ կարծիքով, ունի այդ հիմքով անվտանգություն հայտնելու լիազորություն», - ասաց նա՝ հավելելով, որ պետք է սպասել առաջիկա նիստին, որը կայանալու է սեպտեմբերին:

Հիշեցնենք, որ պրոբացիայի ծառայությունը դիմել էր Գործի համայնքի ավագանուն՝ տեղեկացնելով, որ համայնքի ղեկավարը պետք է պաշտոնանկ արվի: Ավագանու նիստի մասնակից 14 անդամները միաձայն արձանագրել են, որ գործարարի պահանջն ավագանու գործառնություններից դուրս է, առկա է այդ գործընթացը



ավագանու կողմից կազմակերպելու անհնարինության վիճակ:

Գործի համայնքի ղեկավար Առու Առուանյանը մեղադրվում է պաշտոնեական դիրքի չարաշահման, ինքնիրավչության, ինչպես նաեւ դիտավորյալմբ այլ մարդու առողջությանը վնաս պատճառելու մեջ: Դատական ակտը մտել է ուժի մեջ, բայց Առուանյանը չի կատարում կետերից մեկը՝ «հրաժարվել համայնքի ղեկավարի պետի պաշտոնից»: Ըստ դատավճիռի՝ նա 5 տարի չի կարող պաշտոն գրառվել:

Իր հերթին պրոբացիայի ծառայությունը դիմել է դատարան՝ Առու Առուանյանի պատիժը ազատագրված փոխարինելու հայցով: Գործը Սյունիքի մարզի

ընդհանուր իրավասության դատարանի դատավոր Վարսենիկ Մելքոնյանի վարույթում է: Նիստը նշանակված է սեպտեմբերի 3-ին:

Ավելի ուշ Առու Առուանյանը դիմում էր ներկայացրել ՀՀ արդարադատության նախարարության պրոբացիայի ծառայություն, որը մերժվել էր:

«Սյունիքի մարզի ընդհանուր իրավասության դատարանի դատավոր Գոռ Գասպարյանը, օգոստոսի 27-ին գրավոր ընթացակարգով քննելով Գործի համայնքի ղեկավար Առու Առուանյանի բողոքը ընդդեմ ՀՀ արդարադատության նախարարության պրոբացիայի ծառայության, մերժել է այն», - հայտնել էին նախարարությունից:

ՔՐԵԱԿԱՆ ՔՐՈՆԻԿՈՆ

ԻՆՉ Է ՄՊԱՍՎՈՒՄ ԳԱՏԱՎՈՐ ՓԵՍԱՅԻՆ

Ինչպես հայտնի է՝ 2024 թվականի հունիսի 13-ին Վերաքննիչ քրեական դատարանի դատավոր Ռուբիկ Մխիթարյանն Աժ պատգամավորների 70 կողմ ձայներով ընտրվեց Վճռաբեկ դատարանի հակակոռուպցիոն պալատի դատավոր:

Ռուբիկ Մխիթարյանի տեղափոխությունից հետո Վերաքննիչ քրեական դատարանում դատավորի տեղը թափուր է մնացել: «Ժողովուրդ» օրաթերթին հասած լուրերի համաձայն՝ նրա փոխարեն ՀՀ վերաքննիչ դատարան պետք է տեղափոխվի Արարատի եւ Վայոց ձորի մարզերի ընդհանուր իրավասության դատարանի դատավոր Հարություն Պետրոսյանը, որը ԲԴՆ նախագահ Կարեն Անդրեասյանի լուսանկարները, գրառումները լայքոլ դատավորներից մեկն է:

Սակայն, ինչպես նկատում ենք՝ նրա՝ ՀՀ վերաքննիչ դատարան տեղափոխվելու գործընթացը ձգձգվում է, քանի որ մարզի դատարանի նախագահին փոխարինող չէն կարողանում գտնել:

Ի դեպ, Արարատի եւ Վայոց ձորի մարզերի ընդհանուր իրավասության դատարանի դատավոր Հարություն Պետրոսյանը պատահական անձ չէ: Վերջինս ընդդիմադիր մարդ էր ԲԴՆ Սոնտյանի փեսան է:

ԵՐԵՐ ԱՆՉԻ ՄԵՂԱԳՐԱՆՔ Է ՆԵՐԿԱՅԱՑՎԵԼ

ՀՀ քննչական կոմիտեի ԵԶԶ Վեներոն եւ Նորթ Մարաշ վարչական շրջանների քննչական երկրորդ բաժնում նախաձեռնված քրեական վարույթով պարզվել են «Վասաթի» ռեստորանից ավագանու քրեական համայնքի հանցագործություն կատարած երեք անձանց ինքնությունը:

Քննությանը, մասնավորապես, հիմնավորվել է, որ Արարատի մարզի 24 եւ 23-ամյա երեք բնակիչները, խմբի կազմում խոշոր չափերով գույք ավագանու քրեական համայնքից հանցագործություն կատարած երեք անձանց ինքնությունը:

24-ամյա երիտասարդներից մեկը, հարվածելով ռեստորանի պահակի դեմքին, բռնություն է գործադրել նրա նկատմամբ,

որի պատճառով վերջինս աստիճաններով գլորվել է ներքե՝ ստանալով կյանքի համար վտանգավոր ծանր մարմնական վնասվածքներ:

Այնուհետև երեքով ապօրինի մուտք են գործել ռեստորան, որտեղ մյուս երկու երիտասարդները, մետաղյա առարկայով վնասելով դրամարկը, հափշտակել են շուրջ 750.000 ՀՀ դրամ կանխիկ գումար եւ հեռացել՝ հափշտակված գումարը հետագայում բաժանելով միմյանց միջև:

Ձեռք բերված բավարար փաստերի հիման վրա նշված երեք անձանց մեղադրանքներ են ներկայացվել՝ ՀՀ քրեական օրենսգրքի 252-րդ հոդվածի 2-րդ մասի 3-րդ, 6-րդ եւ 7-րդ կետերով: Միջնորդություն է ներկայացվել դատարան՝ նշված անձանց նկատմամբ որպես խափանման միջոց կալանավորում կիրառելու վերաբերյալ, որը բավարարվել է, սակայն հետագայում, դատարանի որոշմամբ նրանց նկատմամբ կիրառված խափանման միջոցը փոխվել է եւ ընտրվել է այլընտրանքային խափանման միջոց՝ տնային կալանքը:

Նախաքննություն ավարտվել է, եւ վարույթի նյութերը մեղադրական եզրակացությամբ ուղարկվել են հսկողություն իրականացնող դատախազին՝ այն հաստատելու եւ դատարան ուղարկելու միջնորդությամբ:

Նյութերը՝ ԲՆԱՐ ՄԱՆՈՒԿՅԱՆԻ

ԼՈՒՐԵՐ

ՀԱՅՏՆԱԲԵՐՎԵԼ Է «ԱՓԻՈՆ» ՏԵՍԱԿԻ ԹՄԲԱՄԻՋՈՑ

Հայաստանի Հանրապետության պետական եկամուտների կոմիտեի մաքսաներկության դեմ պայքարի վարչությունը շարունակում է անգիջում պայքարը թմրամիջոցների եւ հոգեմետ նյութերի՝ Հայաստանի Հանրապետության սահմանով անօրինական տեղափոխման ուղղությամբ:

Օրերս ԱԱԾ տնտեսական անվտանգության եւ կոռուպցիայի հակազդման գլխավոր վարչությունից ՊԵԿ ՄԴՊ վարչություն տվյալներ էին ստացվել, որ ԻԻՀ քաղաքացին մաքսաներկ ճանապարհով ՀՀ տարածք է ներմուծել թմրամիջոց եւ պատրաստվում է այն ուղարկել Ավստրալիայի Համագործակցություն:

Իրացնելով ստացված տվյալները՝ ՊԵԿ մաքսաներկության դեմ պայքարի վարչության աշխատակիցները, ԱԱԾ տնտեսական անվտանգության եւ կոռուպցիայի հակազդման գլխավոր վարչության աշխատակիցների հետ համատեղ, «ՀայՓոստ» ՓԲ ընկերության Կապան քաղաքում գտնվող բաժանմունքներից մեկում գնման են ենթարկել «ՀայՓոստ»-ի միջոցով ԻԻՀ քաղաքացի Ս.Յ.-ի անունից Հ.Ի.-ի անվամբ Ավստրալիայի Համագործակցություն առաքվող միջազգային փոստային առաքանիս: Արդյունքում հայտնաբերվել է 2 կաշվեպատ պայուսակ: Նշված պայուսակների պատերի մեջ՝ հատուկ թաքստոցներում, եղել են ընդհանուր 233 գրամ քաշով «ափիոն» տեսակի թմրամիջոցի նմանվող մուգ շագանակագույն մածուցիկ եւ կոշտ գանգվածներ:

ՀՀ քրեական օրենսգրքի 399-րդ եւ 34-399-րդ հոդվածների հատկանիշներով կազմվել է մաքսաներկության դեպքի վերաբերյալ արձանագրություն, որի շրջանակում, թմրամիջոցի մաքսաներկություն կատարած լինելու անմիջականորեն ծագած հիմնավոր կասկածի առկայության հիմքով, նշված բաժանմունքի մոտից ձեռքարկվել է ԻԻՀ քաղաքացին:

ՀԱՅԱՍՏԱՆԸ ՓՈԽԱՆՑԵԼ Է ԻՐԱՆՑԻ ԲԱՆՏԱՐԿՅԱԼՆԵՐԻ

Հայաստանում բանտարկված Իրանի 5 քաղաքացիներ փոխանցվել են Իրանի Իսլամական Հանրապետությանը: Այս մասին հայտնում է IRNA-ն:

Իրանի արդարադատության նախարարության Մարդու իրավունքների եւ միջազգային հարցերով տեղակալ Ասկար Ջալալիանը հայտարարել է, որ Իրանի քաղաքացիները փոխանցվել են երկու երկրների միջև: Դատապարտված անձանց տեղափոխման մասին համաձայնագրի կիրարկումից հետո:

Նշվում է, որ Հայաստանի կառավարության հետ համագործակցությամբ եւ Հայաստանում Իրանի դեսպանատան համակարգմամբ չորեքշաբթի՝ օգոստոսի 28-ի կեսօրին, Երեւանում օդանավակայանում պաշտոնապես հանձնվել են հինգ բանտարկյալներ:

Սա իրանցի բանտարկյալների երրորդ խումբն է, որը վերջին մեկ տարվա ընթացքում փոխանցվել է Իրանին:

● Ըստ ոստիկանության տվյալների՝ օգոստոսի 28-ից 29-ը ՀՀ ՆԳՆ ոստիկանության ստորաբաժանումների կողմից բացահայտվել է հանցագործության 116 դեպք:

ՀԱՍԱՐԱԿՈՒԹՅՈՒՆ

ՄԱՐԶ

ՉԵՆ ԿԱՐՈՂԱՆՈՒՄ ՕՐԻՆԱԿԱՆԱՑՆԵԼ ԵՐԻՆՈՒԹՅՈՒՆՆԵՐԸ

Լրագրող Ռսկան Սարգսյանին բողոքով դիմել են Դիլիջան քաղաքի բնակիչներ, ովքեր չեն կարողանում օրինականացնել իրենց կառուցած շինությունները: Նրանք ասացին, որ նման բնակիչների թիվը հարյուրներով է: Այդ բնակիչներն ասացին, որ 2021թվականին, երբ Դիլիջանում համայնքի ղեկավարի պաշտոնակատար Նշանակվեց ԶԳ-ական Դավիթ Սարգսյանը, քաղաքապետարանից իրենց ասել են, որ կարող են կադաստրում 25 հազար դրամ մուծել, որից հետո իրենց շինությունները կօրինականացվեն: Այդ գումարը հարկավոր էր ինքնակամ կառույցները չափազերելու աշխատանքների համար: Անցել է 3 տարի, սակայն այդ օբյեկտները չեն օրինականացվում, քաղաքապետարանն էլ մարդկանց սպառնիչ պատասխան չի տալիս: Դիլիջանի քաղաքապետարանի ինտերնետային կայքում պարբերաբար հրապարակվում են Դիլիջան համայնքի ղեկավար Դավիթ Սարգսյանի որոշումները, որոնցով օրինականացվում են ինքնակամ բազում կառույցներ: Բողոքող դիլիջանցիները կարծում են, որ այդ գործում առկա է կոռուպցիա: Բնակիչները հայտնեցին, որ ՀՀԿ-ի իշխանության օրոք գործարար Ռուբեն Վարդանյանը Դիլիջան քաղաքում գնել է մեծ քանակով անշարժ գույք, նրա պահանջով ստեղծվել է ճարտարապետական խումբ, առանց որի եզրակացության Դիլիջանում շինությունները չեն լինում, ինքնակամ կառույցները չեն օրինականացվել: Բողոքողները չգիտեն՝ այժմ այդ խումբը գործում է, եթե գործում է, ինչու՞ իրենց ինքնակամ կառույցների վերաբերյալ այդ խումբը որոշումներ չի կայացնում: Այս խնդրների վերաբերյալ հարկ է ստանալ Դիլիջանի համայնքապետարանի պարզաբանումը, սակայն Դիլիջանի քուլեջի շրջանակարտ, անձնական գործում իր սեռը «արու» գրած համայնքի ղեկավար Դավիթ Սարգսյանը, խախտելով ՀՀ սահմանադրությունը եւ «Տեղեկատվական ազատության մասին» օրենքը, չի պատասխանում մեր լրագրողի տեղեկատվական հարցումներին:

ԳԵՌ ՆԱԽԱԳԾՈՒՄ ԵՆ

Հայաստան-Վրաստան միջպետական ավտոճանապարհի Դիլիջան համայնքի տարածքում Դիլիջանի «Գետափ» ռեստորանի ճարակից տարածքում թեղուտ գյուղի մոտ, ճանապարհի եզրի շատ հատվածներ քանդված են, դրանք վտանգ են ներկայացնում երթևեկության համար: 3 ամիս առաջ՝ մայիսի 27-ին, վարարած Աղստեղ շատ տեղերում քանդել է ճանապարհի եզրը: Զանգահարեցինք Դիլիջան համայնքի տարածքում միջպետական ավտոճանապարհի սպասարկում իրականացնող «Քյավար սերվիս» ՍՊԸ-ի փոխտնօրեն Հրայր Մուսոյանին: Նա ասաց, որ ճանապարհի եզրի քանդված հատվածների վերականգնման նախագծերի մշակման աշխատանքներ են ընթանում, որից հետո դրանց շինարարության մրցույթ կանցկացվի:

ՌՍԿԱՆ ՍԱՐԳՅԱՆ Տակուշ

ՔԱՂԱՔԱՇԻՆՈՒԹՅՈՒՆ

ՆՈՐ ՀՆԱՐԱՎՈՐՈՒԹՅՈՒՆՆԵՐ ՄԱՍՆԱԳԵՏՆԵՐԻ ՀԱՄԱՐ

Քաղաքապետարանի կոմիտեի ղեկավարում է, որ մասնագետների հավասարման անցումային կարգում կատարվել է փոփոխություն: Արդյունքում լուծվում է այն մասնագետների խնդիրը, որոնք, ունենալով կրթություն և ֆախաբաշխական գործունեության մեկ ոլորտում, սակայն փաստացի գործունեություն ծավալելով ֆախաբաշխական մեկ այլ ենթաօլորտում, չէին կարողանում հավասարվել urban.e-gov.am հարթակում՝ որակավորման եւ աշխատանքային փորձի անհամադասարանության դասճանաչում:

Հաշվի առնելով, որ խնդրին առնչվում էին ոլորտի բավական մեծ խումբ մասնագետներ՝ քաղաքաշինության կոմիտեի նախաձեռնությամբ փոփոխություն է կատարվել ՀՀ քաղաքաշինության կոմիտեի նախագահի 2023 թվականի դեկտեմբերի 6-ի «Քաղաքաշինության գործունեության սուբյեկտների լիցենզիաների դասակարգման եւ պատասխանատու մասնագետների հավաստագրման անցումային կարգը հաստատելու մասին» N 15-Ն հրամանում: Երկրորդ հավելվածի 4-րդ կետի 5-րդ ենթակետի համաձայն՝ սահմանվել է, որ եթե հայտատուն հանդիսանում է պատասխանատու մասնագետ եւ ունի «Քաղաքաշինության մասին» օրենքի 21-րդ հոդվածով նախատեսված քաղաքաշինական գործունեության տեսակին եւ ենթատեսակին համապատասխան հայցվող համապատասխան ենթաօլորտում աշխատանքային 10 տարվա փորձառություն եւ համապատասխան որակավորում (բազային կրթություն), ապա կարող է քաղաքաշինության բնագավառի պետական ծառայությունների միասնական urban.e-gov.am հարթակի միջոցով դիմել պատասխանատու մասնագետի կարգի



շնորհման եւ հավաստագրման համար: Օրինակ՝ «Ավտոմոբիլային ճանապարհներ» մասնագիտությամբ դիմում ունեցող մասնագետն արդեն կկարողանա դիմել իր աշխատանքային փորձին համապատասխան մեկ այլ ենթատեսակի, օրինակ՝ բնակելի, հասարակական եւ արտադրական կառույցների շինարարության հավաստագիր ստանալու համար: Հայտը լրացնելիս «Կրթություն» բաժնում պետք է ընտրել «Բազային» տարբերակը: Կարելի է նշել, որ անցումային կարգով հավաստագրվելու հնարավորությունը ստանալուց հետո արդեն հաջորդ շրջափուլի հավաստագիրը ստանալու համար մասնագետները պետք է վերադարձվեն անցնեն՝ ՀՀ կառավարության 2024 թվականի ապրիլի 4-ի N 478-Ն որոշում

մամբ հաստատված վերաորակավորման կարգի համաձայն: Հիշեցնենք, որ մինչեւ 2024 թ. սեպտեմբերի 17-ը քաղաքաշինության բնագավառում գործող կազմակերպությունները պետք է դիմեն լիցենզիան դասակարգելու համար, այլապես այն կդադարի գործել: Իսկ մինչ այդ քաղաքաշինության բնագավառի մասնագետները պետք է հավաստագրվեն՝ լիցենզիայի ներդրում որպես պատասխանատու մասնագետ ընդգրկվելու համար: Քաղաքաշինության կոմիտեի հորդորում է ոլորտի ներկայացուցիչներին շտապել եւ վեջնաժամկետին ընդառաջ՝ ծանրաբեռնվածությունը հաշվի առնելով եւ հայտերի ներկայացումը չթողնել վերջին օրվա: Ա. ՍՐԱՊԻՈՒՅԱՆ

ԸՆԹԱՑԻԿ

ԳԱՍԱԳՐԵՐԻ ՆԵՐԳՐՈՒՄԱՅԻՆ ԳՈՒՄԱՐՆԵՐԻ ՉԱՓԸ

ՀՀ կրթության, գիտության, մշակույթի եւ սպորտի նախարար Ժաննա Անդրեասյանի հրամանով՝ հաստատվել է 2024-2025 ուսումնական տարում հանրակրթական ծրագրեր իրականացնող ուսումնական հաստատությունների 5-12-րդ դասարանների յուրաքանչյուր դասագրքի համար ներդրումային գումարի չափը: Հիշեցնենք՝ ՀՀ պետական եւ ոչ պետական հանրակրթական դպրոցների 1-4-րդ դասարանների սովորողների դասագրքերը տրամադրվում են անվճար՝ համաձայն «Կրթության մասին» ՀՀ օրենքի 6-րդ հոդվածի 4-րդ մասի: Նշված դասարանների դասագրքերի արժեքը հատուցվում է պետական բյուջեի միջոցների հաշվին: Ազգային փոքրամասնությունների սովորողների դասագրքերը եւ բրայլան տառատեսակով տպագրվող դասագրքերը եւ տրամադրվում են անվճար՝ պետական միջոցների հաշվին: 5-12-րդ դասարաններում սովորողների դասագրքերը տրամադրվում են տարեկան վարձավճարով: Նշված դասարանների դասագրքերի համար սահմանվել է առնվազն 5 տարի օգտագործման ժամկետ: ՀՀ դպրոցներում հանրակրթության պետական չափորոշիչ ներդրման գործընթացով պայմանավորված՝ 2-րդ, 5-րդ եւ 7-րդ դասարաններում, իսկ 2024/25 ուսումնական տարվանից նաեւ 3-րդ, 6-րդ, 8-րդ, 10-րդ դասարաններում ուսուցումն իրականացվելու է նոր ստեղծված դասագրքերով: Նոր դասագրքերի համար սահմանված վարձավճարի չափերը (բացառությամբ 2-րդ եւ 3-րդ դասարանների դասագրքերի, որոնք տրամադրվում են անվճար) հիմնականում նվազել են, որը պայմանավորված է դասագրքերի ստեղծման համար սահմանված նոր ընթացակարգերով:

Ծնթացով պայմանավորված՝ 2-րդ, 5-րդ եւ 7-րդ դասարաններում, իսկ 2024/25 ուսումնական տարվանից նաեւ 3-րդ, 6-րդ, 8-րդ, 10-րդ դասարաններում ուսուցումն իրականացվելու է նոր ստեղծված դասագրքերով: Նոր դասագրքերի համար սահմանված վարձավճարի չափերը (բացառությամբ 2-րդ եւ 3-րդ դասարանների դասագրքերի, որոնք տրամադրվում են անվճար) հիմնականում նվազել են, որը պայմանավորված է դասագրքերի ստեղծման համար սահմանված նոր ընթացակարգերով:

ՀԷՑ-Ի ԱՇԽԱՏԱՆՔՆԵՐԸ ԱՎԱՐՏՎԱԾ ԵՆ

Դեռ հուլիսի 6-ին «Երեւան հէլ»-ում հրդեհ էր բռնկվել, որի պատճառով էլ հաճախակի հոսանքազրկումներ էր էին լինում, հատկապես՝ կենտրոնում: Այս խնդրով պայմանավորված՝ ՀԷՑ-ից հայտնել էին, որ, ըստ նախնական կանխատեսման, առաջացած խնդիրները կվերացվեն մինչեւ օգոստոսի 10-ը: Չնայած այն հանգամանքին, որ հուլիսի 6-ից անցել է արդեն 1 ամիս եւ ավելի, իսկ օգոստոսի 10-ն էլ վաղուց անցել է, խնդիրը շարունակում է մնալ ակտուալ, այսինքն՝ Երեւանյան շատ հասցեներ շարունակում են պարբերաբար հոսանքազրկվել:

Հիշեցնենք, որ ավելի վաղ ArmLur.am-ը գրուցել էր էներգետիկ հարցերով փորձագետ Արա Մարջանյանի հետ, ով մեզ հետ գրուցում դեռ հուլիս ամսին նշել էր, որ ամենաշատը 3 շաբաթում հնարավոր է վերականգնել ամեն բան: Հավելենք, որ օրերս էլ պարզ դարձավ, որ ՀՀ հանրային ծառայությունները կարգավորող հանձնաժողովը (ՀԾԿՀ) ՀԷՑ-ին հարուցել է վարչական վարույթ՝ 20 միլիոն դրամի չափով: Հարուցված վարչական վարույթի արդյունքում հաստատվել է ընկերության կողմից ոչ հավաստի եւ ոչ սպառնիչ տեղեկություն ներկայացնելու փաստը, ինչը ընկերության կողմից ընդունվել է: Ինչպես արդեն նշել է հոսանքազրկումները մինչ օրս չեն դադարում, այդ իսկ պատճառով ArmLur.am-ը կապ հաստատեց ՀԷՑ-ի ամուլի խոսնակ Նատալյա Մարջանյանի հետ՝ պարզելու՝ արդյոք այդ հոսանքազրկումները կապված են ՀԷԿ-ի հրդեհի հետ, թե՛ այլ պատճառ կա այս անգամ: Մեզ հետ գրուցում Նատալյա Մարջանյանն ասաց. «ՀԷԿ-ի խնդիրը լուծված է: Ժամկետը մինչեւ օգոստոսի 10-ն է եղել, բայց մալուխային տնտեսության հետ կապված խնդիր կար, դրա համար մի փոքր երկարաձգվեց, բայց հիմա արդեն բոլոր աշխատանքները ավարտված են»: Ա. ՍՐԱՊԻՈՒՅԱՆ

● Անցած 1 օրվա ընթացքում հանրապետությունում արձանագրվել է ճանապարհատրանսպորտային 14 պատահար. 16 մարդ ստացել է տարբեր աստիճանի մարմնական վնասվածքներ:

ՍՈՑԻԱԼԱԿԱՆ

«ՎՏԲ-ՀԱՅԱՍՏԱՆ ԲԱՆԿ»

Newmag Back To School ՓԱՌԱՏՈՆԻ ՀՈՎԱՆԱՎՈՐ

«ՎՏԲ-Հայաստան բանկի» աջակցությամբ Երևանում տեղի ունեցավ Newmag Back To School մանկական գրքի փառատոնը: Միջոցառման շրջանակներում կայացավ Newmag հրատարակչության «Երագ» մանկական մատենաշարի երեք նոր մանկական գրքերի շնորհանդես: Բանկը նաեւ հանդես է եկել որպես «Էլեկտրոնիկ արկածները» գրքի հայերեն առաջին հրատարակչության ֆինանսական գործընկեր:

Գրքի փառատոնն անցավ օգոստոսի 24-ին՝ Երևանի «Երագ» այգում: Միջոցառումն ուղեկցվում էր երաժշտական շոու-ծրագրով, ուսուցողական խաղերով, դպրոցական նորաձեւ հագուստի ցուցադրությամբ եւ տոնական հյուրասիրությամբ: Պատանի ընթերցողներին ներկայացվեցին համաշխարհային մանկական գրականության երեք նոր գրքեր հայերեն լեզվով, այդ թվում, Եվգենի Վելտիստովի «Էլեկտրոնիկ արկածները» գրքի առաջին հայերեն հրատարակչությունը:

«ՎՏԲ-Հայաստան բանկ» ամեն տարի աջակցում է երկրի մշակույթի եւ կրթության ոլորտների կարելուր նախագծերին: Շատ կարելուր է վաղ տարիքից սերմանել ընթերցանության նկատմամբ սեր՝ չստիպելով երեխային կարդալ, այլ սովորեցնել նրան սիրել գիրքը: Գրականության ազդեցությունն անձի ձեւավորման գլխավոր գործոններից է: Մենք ուրախ ենք, որ կարողացանք մեր ներդրումն ունենալ Newmag Back To School նախագծի իրականացմանը, որը նշանակալից իրադարձություն է պատանի գրքասերների կյանքում», - մեկնաբանեց «ՎՏԲ-Հայաստան բանկի» գլխավոր տնօրեն-տնօրենության նախագահ Արա Ավագյանը:

«Ժամանակակից աշխարհը բազմաթիվ հնարավորություններ է ուղիներ է ընձեռում ստանալու տեղեկատվություն, որը հասանելի է տարբեր ձեւաչափերով: Համացանցի ճանաչելիությունը տարեցտարի աճում է, հատկապես, երիտասարդ սերնդի շրջանում: Գիրքը, որպես թղթային կրիչ, աստիճանաբար կորցնում է իր արդիականությունը: Մենք ոչ միայն խնամքով ընտրում ենք պատանի սերնդին ներկայացվելիք գրքերը, այլեւ մանրամասն մշակում ենք դրանց դիզայնն ու նկարագրումները՝ ընթերցողի ուշադրությունն ու հետաքրքրությունը գրավելու համար: Նման օրինակ է նաեւ «Էլեկտրոնիկ արկածները» գիրքը, որն ընթերցելով դաստիարակվել է մի քանի սերունդ», - նշեց Newmag հրատարակչության Տնօրեն Արտակ Ալեքսանյանը:

«ՎՏԲ-Հայաստան բանկը» վերահսկվում է ՀՀ կենտրոնական բանկի կողմից:

ԻՆՉ ԵՆ ՊԱՏՄՈՒՄ ԹՎԵՐԸ

ՆՎԱԶԵԼ Է ՊԵՏՏՅՈՒՋԵՒ ԸՆԴՀԱՆՈՒՐ ԵԿԱՄՈՒՑԸ

Պետական բյուջեի եկամուտների աճի ցածր դինամիկ է: Պետբյուջեի ընդհանուր եկամուտները 2024 թ. հունվարից մայիս ամիսներին կազմել են 1,029.0 մլրդ դրամ՝ աճելով 7.7%-ով, որը հունվար-ապրիլի համեմատ ցածր է 1.6 տոկոսային չափով:

Համավարակն ու պատերազմը Հայաստանի կառավարությանը ստիպեցին մեծացնել ծախսերն ու ավելի շատ պարտք վերցնել: Արդյունքում 2020-ից պարտք /ՀՆԱ ցուցանիշը հասել է 63 տոկոսի շեմը: 60 տոկոսն այն սահմանագիծն է, որից բարձր պարտքը ռիսկային է համարվում:

Բյուջեի եկամուտների տեմպը, ըստ մի քանի հայտնի վերլուծությունների, հաճախ կապված է ծախսերի աճի եւ մեծ քանակի հետ:

Աճի տեմպի դանդաղման պատճառով, ըստ տնտեսագետների, հաճախ կառավարության այն որոշումներն են, որոնցով հավելյալ ֆինանսական հատկացումներ են իրականացվում, կամ պարզապես անխնայ օգտագործում են պետական բյուջեն:

Բացի դրանից՝ հիշեցնենք, որ Հայաստանի Հանրապետության կառավարության 2021-2026 թթ. ծրագրի առաջնահերթություններով՝ 2024 թվականին նախատեսվում էր.

- կենսաթոշակներին ուղղվող ծախսերի ավելացումը 28,8 մլրդ դրամով,
- առողջապահությանն ու կրթությանն ուղղվող ծախսերի ապահովումը ՀՆԱ-ի նկատմամբ՝ համապատասխանաբար 1,6% է 2,7%,



• Ժողովրդագրական վիճակի բարելավման գծով լրացուցիչ ծախսերի նախատեսումը 15 մլրդ ՀՀ դրամով: Բյուջեի հատկացումների, պակասուրդի կամ աճի տեմպերի ցուցանիշները ցույց են տալիս, որ Հայաստանի պետական բյուջեի ծախսն ավելի շատ է, քան եկամուտը: Հենց այս պատճառով է, որ բյուջեի աճի տեմպերը վերջին ամիսներին նվազել են:

2023 թվականին կանխատեսվել է բյուջեի եկամուտների էական աճ՝ կառավարությունը ծրագրել է ավելի մեծ չափով մեծացնել ծախսերը եւ պակասուրդը:

Այսպես, կառավարության կանխատեսումների համաձայն՝ բյուջեի եկամուտները 2022 թվականին սպասվող ցուցանիշի

համեմատ կաճեն շուրջ 11.3%՝ կազմելով 2,302.0 մլրդ դրամ: Պակասուրդը պլանավորվել է մեծացնել շուրջ 41.5%-ով՝ հասցնելով 288.9 մլրդ դրամի: Արդյունքում հնարավորություն կստեղծվի մեծացնել բյուջեի ընդհանուր ծախսերը շուրջ 15.3%-ով՝ հասցնելով մինչեւ 2,591.0 մլրդ դրամի: Պետական բյուջեի եկամուտների կառուցվածքում գերակշիռ դերը բաժին է ընկնում հարկային եկամուտներին՝ կազմելով ավելի քան 90%:

Ստացվում է, եթե կառավարությունը ծրագրում է բյուջեի դեֆիցիտն ապահովվել հարկատուների եկամուտների հաշվին, ապա առաջիկայում հարկային տոկոսների նոր խստացման կարելի է սպասել:

ԷՄՄԱ ՄԻՔԱՅԵԼՅԱՆ

ՆՈՐՈՒԹՅՈՒՆՆԵՐ

«ArLeAM»-Ի ԱՅԳԻՆԵՐՈՒՄ ՄԵԿՆԱՐԿԵԼ Է ԲԵՐՔԱՆՎԱՔԸ

«ArLeAM» ընկերության ինտենսիվ այգիներում մեկնարկել է խնամքի բերքահավաքը: Այգեկույթն ազդարարել են այգիներ այցելած «Սոֆթ Կոնսուրակտ» ընկերության աշխատակիցները:

Միջոցառումը մրցույթային բնույթ ուներ. ընկերության աշխատակիցները բաժանվել են 4 թիմերի, որոնք այգում աճող խնձորների անվանական անուններն են կրել՝ Ռոյալ Գալա, Ռեդ Դելիշես, Գոլդեն Դելիշես Գրեննի Սմիթ: Հաղթող է ճանաչվել ամենաշատ բերք հավաքած թիմը՝ Գրեննի Սմիթը, որը 350 կգ խնձոր է քաղել:

«ArLeAM» ընկերության տնօրեն Լոն Խաչատրյանը նշել է, որ այգին ինտենսիվորեն տարեկան միջինում 1000 տոննա բերք է տալիս: «Այգիներում կա խնձոր, ծիրան տանձ: Ունենք 4 տեսակի խնձոր: Առաջինը «Գալան» է հասունանում: Այն աշնանային ամենաքաղցր խրթխրթան խնձորների դասին է պատկանում: Հայկական շուկայում ամենապահանջված խնձորներից է: «Գալայից» հետո հասունանում են «Գոլդեն» ու «Ռեդ Դելիշեսը»: Վերջում հասունանում է «Գրեննի Սմիթը»: Այն ս շատ պահանջված կանաչ խնձոր է, որը համարում են ֆրանսիական: Մեր բոլոր ծառերն ունեն իտալական արմատներ», - ասել է նա:

Այգիների խնամքը ինտենսիվ կերպով մեկնարկում է դեռ ձմռանը՝ ծառերի էտով, իսկ արդեն գարնանն սկսում են ջրել այգիները, գյուղատնտեսական բաժինը զբաղվում է ծառերի պատվաստումով, բուժմամբ, պարարտացմամբ, մոլախոտերի հեռացմամբ այլ աշխատանքներով: Այգեգործների ուշադրության տակ է գտնվում նույնիսկ ոռոգման ջրի որակը՝ չափաբաժինը, որը պետք է համապատասխանի կաթիլային համակարգով աճեցվող ծառերի չափանիշներին:

«ArLeAM»-ը նորարարական ապրանքանիշ է, որն առաջարկում է առանձնահատուկ հոգատարությամբ, առանց հավելանյութերի, ինքնուրույն աճեցված արտադրանք:

«ԿՈՆՎԵՐՍ ԲԱՆԿ»

Կավարտենք գնումները եւ մեր ուշադրությունը կկենտրոնացնենք կրթության որակի վրա՝ վերհիշել անցածը, գտնել կայքեր ու կրթական ռեսուրսներ, որոնց շնորհիվ ցանկացած թեմա ավելի հեշտ կյուրացվի ու կդառնա հիշարժան:

Այսօր մենք կներկայացնենք այդ ռեսուրսներից ընդամենը մի քանիսը.

- Հայկական կրթական միջավայր պորտալ-ում ներկայացված են տասնյակից ավելի կրթական կայքեր ու պորտալներ,
- այստեղ կգտնեք նաեւ տեսադասեր:
- «Քան ակադեմիան» հարուստ շտեմարան է, որտեղ մատչելի ու հետաքրքիր մոտեցումներով ներկայացված են թեմաներ բնագիտական եւ ճշգրիտ առարկաներից,
- բազմաբնույթ նյութեր կան նաեւ «Սեբաստացի» գիտա-հանրամատչելի հանդեսում,

- ֆինանսական գրագիտության մակարդակի բարձրացման հարցում abfinance.am-ը կդառնա Ձեր լավագույն ուղեկիցը,
- <https://www.teachingenglish.org.uk/> հղումով կարող եք ուսումնասիրել անլիներն:
- Հայտնի մարդկանց թանգարաններով ճանապարհորդությունը ավելի հետաքրքիր կդարձնի «Մեդիամաքս»-ի հատուկ նախագիծը,
- «Արմաթ» ճարտարագիտական աշխատանքների նախագծերին կարող եք ծանոթանալ <https://armath.am/hy> հղումով:

Իսկ համացանցում առավելագույն ապահովության նպատակով հետեւեք «Ապահով համացանց Հայաստան»-ի նորություններին:

Նշված կայքերից որն էլ ընտրեք՝ չմոռանաք խորհրդակցել ուսուցիչների հետ: Ի վերջո, կրթությունը ստատիկ չէ, ուսումնական ծրագրերի բովանդակությունը փոփոխվում է, փոխվում են կարիքները:

Իսկ Ձեր ուշադրությունը բացառապես կրթությանը սեւեռելու նպատակով առաջարկում ենք օգտվել «Կոնվերս բանկի» առաջարկներից.

- Առցանց Snap վարկը կօգնի հաշված ռոպեներում բավարարել ֆինանսական կարիքները,
- Իսկ C360 փաթեթների շրջանակում հաճախորդներին տրվող կից քարտը կարող եք տրամադրել Ձեր երեխային, վայրկյանների ընթացքում գումար փոխանցել քարտին ու վերահսկել ծախսերը:

Մանրամասների համար կարող եք զանգահարել 010-511-211:

«Կոնվերս բանկը» վերահսկվում է ՀՀ ԿԲ կողմից:

«ժողովորդ» օրաթերթում եւ Armlur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

ՄՇԱԿՈՒՅԹ

ՀԱՍՏԱՏՈՒՄՆԵՐ՝ ԿԳՄՍՆ-ԻՑ

ԴՊՐՈՑԱԿԱՆՆԵՐԻ ԱՐՉԱԿՈՒՐԴԱՅԻՆ ՕՐԵՐԸ

Կրթության, գիտության, մշակույթի եւ սպորտի նախարար Ժաննա Անդրեասյանը դեռեւս 2023-ին հրաման է ստրագրել, որով հաստատել է հանրակրթական հիմնական (ընդհանուր, մասնագիտացված եւ հասուկ) ոլեսական ծրագրեր իրականացնող ուսումնական հաստատությունների 2024-2025 ուսումնական տարվա օրինակելի ուսումնական ոլանները (1-ին, 4-րդ, 9-րդ, 11-րդ եւ 12-րդ դասարաններ):



2024-2025 ուսումնական տարվա ուսումնական պարապմունքները հանրակրթական հիմնական (ընդհանուր, մասնագիտացված եւ հասուկ) պետական ծրագրեր իրականացնող ուսումնական հաստատությունների 1-12-րդ դասարաններում սկսվում են 2024 թվականի սեպտեմբերի 2-ին, ավարտվում 2025 թվականի մայիսի 23-ին՝ 5-օրյա աշխատանքային շաբաթվա, մայիսի 24-ին՝ 6-օրյա աշխատանքային շաբաթվա դեպքում ապահովելով առնվազն 30 ուսումնական շաբաթ՝ առաջին, 32՝ երկրորդ եւ 34՝ երրորդից տասներկուերորդ դասարանների համար:

Արձակուրդները՝ 2024-2025 ուսումնական տարում.

1) Ուսումնական պարապմունքների ընթացքում 3-12-րդ դասարանների սովորողներին տրվում են արձակուրդներ՝ աշնանային՝ 2024 թվականի հոկտեմբերի 21-ից 27-ը ներառյալ, ձմեռային՝ 2024 թվականի դեկտեմբերի 23-ից 2025 թվականի հունվարի 5-ը ներառյալ, գարնանային՝ 2025 թվականի մարտի 24-ից 30-ը ներառյալ:

2) Առաջին դասարանիցների աշնանային արձակուրդները տրվում են 2024 թվականի հոկտեմբերի 14-ից 27-ը ներառյալ, ձմեռային՝ 2024 թվականի դեկտեմբերի 23-ից 2025 թվականի հունվարի 19-ը ներառյալ, գարնանային՝ 2025 թվականի մարտի 17-ից 30-ը ներառյալ:

3) Երկրորդ դասարանիցների աշնանային արձակուրդները տրվում են 2024 թվականի հոկտեմբերի 21-ից 27-ը ներառյալ, ձմեռային՝ 2024 թվականի դեկտեմբերի 23-ից 2025 թվականի հունվարի 19-ը ներառյալ եւ գարնանային՝ 2025 թվականի մարտի 24-ից 30-ը ներառյալ:

Հաստատությունն անհաղթահարելի ուժի առաջացման դեպքում (եղանակային անբարենպաստ պայմաններ, սուր վարակիչ հիվանդությունների տարածում, տարերային աղետ եւ այլն) կարող է հանրակրթական հիմնական կրթական ծրագիրը իրականացնել հեռավար ձեւով՝ ԿԳՄՍ նախարարի հրամանի համաձայն:

Նախարարությունն էլ անհաղթահարելի ուժի առաջացման դեպքում կարող է սահմանել լրացուցիչ արձակուրդ՝ կատարելով փոփոխություններ ուսումնական պարապմունքների եւ սովորողների համար սահմանված արձակուրդների ժամանակացույցներում: Անհաղթահարելի ուժի առաջացման դեպքում հաստատության ղեկավարը կարող է սահմանել լրացուցիչ արձակուրդ՝ այդ մասին 5 աշխատանքային օրվա ընթացքում գրավոր տեղեկացնելով նախարարությանը:

Նախարարության ելթակայության հաստատություններում արձակուրդների ժամկետների փոփոխությունները, ինչպես նաեւ հաստատության կողմից լրացուցիչ արձակուրդի նախատեսումը կատարվում է հաստատության նախաձեռնությամբ, նախարարության համաձայնությամբ:

Հ. ԲԱՂԱՍՏՐՅԱՆ

ՄԱՐԶԱԿԱՆ

ՊԱՐԱԼԻՄՊԻԿ ԽԱՂԵՐԻ ԲԱՑՈՒՄԸ

Ֆրանսիայի մայրաքաղաք Փարիզում կայացել է 2024 թվականի Պարալիմպիկ խաղերի բացման պաշտոնական արարողությունը, որին 184 երկրի ավելի քան 4000 մարզիկ է մասնակցել:

Ժամանակակից օլիմպիական շարժման պատմության մեջ առաջին անգամ Պարալիմպիկ խաղերի բացման արարողությունը տեղի է ունեցել մարզադաշտից դուրս՝ Փարիզի կենտրոնում:

Բացման արարողության մեկնարկին նախ վառվել է Պարալիմպիկ ջահը, որով տրվել է խաղերի մեկնարկը, ապա տեղի է նաեւ դրոշների շքերթը: Հայաստանի դրոշակակիրը եղել է պարածանրորդ Գրետա Վարդանյանը:

Խաղերի բացման արարողությանը մասնակցել են Ֆրանսիայի նախագահ Էմանուել Մակրոնը եւ Միջազգային պարալիմպիկ կոմիտեի ղեկավար Էնդրյու Փարսոնսը:

Օգոստոսի 28-ից սեպտեմբերի 8-ը Փարիզում կայանալիք Պարալիմպիկ խաղերին Հայաստանն առաջին անգամ վարկանիշ սվաճած ներկայացուցիչներ կունենա:

Հայաստանի ներկայացուցիչներից առաջինը պայքարի դուրս կգա Սարգիս Ստեփանյանը: Նրա մրցելույթը նախատեսված է օգոստոսի 30-ին: Հաջորդիվ՝ սեպտեմբերի 4-ին, մրցապայքարը կսկսի Սմբատ Կարապետյանը, իսկ սեպտեմբերի 6-ին՝ Գրետա Վարդանյանը: 2024 թվականի Պարալիմպիկ խաղերում 4400 պարաստվետ կմրցի 20 մարզաձեւում:

ՀՄՑ

ԸՆԽՄԱՏԻՄՏՆԵՐԸ՝ ԱՌԱՋԱՏԱՐ ԳԻՐՔՈՒՄ

Մեր շախմատիստները շարունակում են մնալ առաջատարների շարքում Չեխիայի մայրաքաղաք Պրահայում ընթացող 2024 թվականի շախմատի Եվրոպայի պատանիների առաջնությունում: Հայաստանի շախմատի ֆեդերացիայից հայտնում են, որ 6 խաղափուլից հետո Տիգրան Համբարձումյանն ունի 5.5 միավոր եւ կիսում է 1-2-րդ հորիզոնականները միևնույն 12 տարեկան պատանիների խմբում:

Ալեքս Սահակյանը ունի 5 միավոր եւ կիսում է 1-4-րդ հորիզոնականները միևնույն 18 տարեկան պատանիների խմբում: Այս տարիքային խմբում Ռոբերտ Փիլիպոսյանը ունի 4.5 միավոր:

Բենիկ Ազասարովը ունի 5 միավոր եւ կիսում է 2-7-րդ հորիզոնականները միևնույն 14 տարեկան պատանիների խմբում: Այս տարիքային խմբում Ռուդոլֆ Փաշինյանը ունի 4.5 միավոր:

Վոլոդյա Թորոսյանը ունի 4.5 միավոր միևնույն 14 տարեկան տղաների խմբում:

Անահիտ Մուրադյանը ունի 4.5 միավոր եւ կիսում է 5-8-րդ հորիզոնականները միևնույն 18 տարեկան աղջիկների խմբում:

Անի Նահապետյանը եւ Սոնա Կրկյաշարյանը ունեն 4.5 միավոր միևնույն 14 տարեկան աղջիկների խմբում:

Սոֆիա Բաղդասարյանը ունի 4.5 միավոր եւ կիսում է 4-9-րդ հորիզոնականները միևնույն 8 տարեկան աղջիկների խմբում:

ԼՈՒՐԵՐ

ԱՄԱՌԸ՝ ԼՈՌՈՒՄԱՐԶԱՅԻՆ ԳՐԱԴԱՐԱՆՈՒՄ

Լոռու մարզային գրադարանում ամռան ամիսներին իրականացվել են 19 ծրագիր եւ 12 ցուցահանդես: այցելությունների թիվը կազմել է 27922, նոր ընթերցողների թիվը՝ 2087:

Ամռան ծրագրերի մեկնարկը տրվել է Երեխաների պաշտպանության օրվան նվիրված միջոցառումներով: Գրադարանի աշխատակիցներն այցելել են Վանաձորի բժշկական կենտրոն ու Երեխաների զարգացման կենտրոն եւ գրքեր նվիրել երեխաներին:

Ամռանային ճամբարի շրջանակում երեխաներն այցելել են մշակութային հաստատություններ, քաղաքում գործող տարբեր արտադրամասեր, անցկացվել է կավագործության վարպետաց դաս:

ԿԳՄՍ նախարարության աջակցությամբ գրադարանը համալրվել է համակարգչային նոր սարքավորումներով, ինչի արդյունքում ընդլայնվել է գրադարանի ծառայությունների շրջանակը, մասնավորապես՝ մամուլի ելթաբաժնում տեղադրվել է EBSCO միջազգային հեղինակավոր ընկերության բազմալեզու տեղեկատվական շտեմարանը, որն ընթերցողներին

հնարավորություն է ընձեռել օգտվել գիտական ամսագրերից եւ հոդվածներից:

Լոռու մարզային գրադարանի նախաձեռնությամբ Ստեփան Զորյանի տուն-թանգարանում տեղի է ունեցել Երիտասարդների միջազգային օրվան նվիրված միջոցառում: Միջոցառմանը մասնակցել են տարբեր սերունդների գրողներ, ուսանողներ, դասախոսներ, գրականագետներ, գրականությամբ հետաքրքրվող անձինք: Կազմակերպվել են նաեւ ընթերցանության խթանմանը միտված միջոցառումներ, մասնավորապես՝ «Գրքասերներ» ակումբի ամփոփիչ հանդիպում, գրքի քննարկումներ, բարձրաձայն ընթերցանություն՝ «Կրթական կամուրջ» ուսումնական կենտրոնի սաների մասնակցությամբ: Ամռանը ուշադրության կենտրոնում էին նաեւ «Ուսանելի գրադարանավար» ծրագրի շահառուները: Ակտել Բակունցի 125-ամյակի շրջանակում աշխատակիցներն այցելել են «Առաքելություն Հայաստանի» ՀԿ եւ ներկայացրել հետաքրքիր մանրամասներ Բակունցի կյանքից եւ ստեղծագործությունից:

Ամռան ընթացքում գրադարանի աշխատակիցներն անցել են մի շարք տեղական եւ միջազգային վերապատրաստումներ: Նպատակը երիտասարդ աշխատակիցների մասնագիտական տեղեկացվածության բարձրացումն է, նրանց համար

մասնագիտական-կրթական տիրույթի ընդլայնումը:

ՎԱՆԴԱԼԻԶՄԻ ԱԿՏԵՐ

Ադրբեջանը թիրախավորվել է հայկական մշակութային ժառանգությունը ոչնչացնելու վրա՝ վանդալիզմի ակտեր կատարելով: Այս մասին «Պատմամշակութային ժառանգության խնդիրները հետխորհրդային շրջանում» թեմայով միջազգային համաժողովում, որն անցկացվում է օգոստոսի 29-ին Հայաստանի Գիտությունների ակադեմիայում, հայտնել է «Գեղարդ» գիտավերլուծաբանական ֆոնդի տնօրեն Ռոբերտ Ղազարյանը:

Նա նշել է, որ 44-օրյա պատերազմից հետո Ադրբեջանն ակտիվացրել է այդ քաղաքականությունը՝ ջնջելով հայկական մշակույթի հետքերը Լեռնային Ղարաբաղում: «Բաքուն բաց հայտարարել է, որ ոչնչացնելու է հայկական մշակութային ժառանգությունը Լեռնային Ղարաբաղում: Կատարվում է աղվանացման փորձ Ադրբեջանի վերահսկողության տակ գտնվող տարածքում: Այդ ժառանգությունը կամ կհամարվի իբր ադրբեջանական մշակույթ, կամ կոչնչացվի, ինչպես արել է Բաքուն միևնույն ժամ»,- ավելացրել է Ղազարյանը:

● Սեպտեմբերի 6-ին՝ ժամը 20:00-ին, «Թատրոն տանիքում» կցուցադրվի «Դեկամերոն» տխուրկատակերգությունը՝ Բոկաչիոյի համանուն երկի հիման վրա: Տոմսերի արժեքը՝ 6.000 դրամ:



ԿԱՐԳ

ՀԱՐՑ. Խնդրում եմ ասել՝ ինչ կարգով է գրավի առարկայի վրա առանց դատարան դիմելու բռնագանձում սարածվում:

Սամվել Հարությունյան 42 տարեկան)



ՊԱՏԱՍԽԱՆ. Քաղաքացու հարցին ի պատասխան՝ տեղեկացնում ենք, որ գրավով ապահովված պարտավորությունը չկատարելու կամ ոչ պատշաճ կատարելու դեպքում գրավառու գրավոր՝ պատշաճ ձեռով, ծանուցում է գրավատուին առանց դատարան դիմելու գրավի առարկայի բռնագանձման մասին (բռնագանձման ծանուցում): Գրավատու իրավունք ունի դատական կարգով վիճարկելու սույն հոդվածի համաձայն գրավի առարկայի բռնագանձման օրինականությունը, որի պարագայում դատարանը կարող է կասեցնել գրավի առարկայի բռնագանձման ընթացքը: Դատարանը կարող է կասեցնել գրավի առարկայի բռնագանձման ընթացքը, եթե գրավատու կտրամադրի գրավի առարկայի արժեքին համարժեք ապահովում գրավառուի հնարավոր վնասները հատուցելու համար: Բռնագանձման ծանուցումը պարտապահին պատշաճ ձեռով հանձնելուց հետո գրավառու իրավունք ունի գրավի առարկան վերցնելու իր տիրապետման տակ (եթե շարժական գույք է), ինչպես նաև խելամիտ քայլեր ձեռնարկելու գրավի առարկան պահպանելու, սպասարկելու եւ դրա անվտանգությունն ապահովելու համար:

Բռնագանձման ծանուցումը պարտապահին հանձնելուց երկու ամիս հետո գրավառու սույն օրենսգրքի ուժով իրավունք ունի սույն օրենսգրքի 195-րդ հոդվածի պահպանմամբ գրավատուի անունից իրացնելու գրավի առարկան ուղղակի վաճառքի կամ հրապարակային սակարկությունների միջոցով, եթե գրավատուն եւ գրավառուն գրավի առարկայի իրացման այլ կարգ չեն նախատեսել:

Հայաստանի Հանրապետության կադաստրի կոմիտե

«ԺՈՂՎՈՒՐԳ». Նշենք, որ գրավառուն պարտավոր է գրավի առարկան իրացնել տվյալ պահին շուկայում գործող ողջամիտ գնով:

ՏՆՏԵՍԱԿԱՆ

ՀԱՐՑ. Հետաքրքիր է իմանալ, թե ինչ է իրենից ներկայացնում գնաճը:

Երանուհի Եփրեմյան (39 տարեկան)



ՊԱՏԱՍԽԱՆ. Հայտնում ենք, որ ՀՀ ազգային վիճակագրական ծառայությունը որոշակի պարբերականությամբ ՀՀ տնտեսության առանձին հատվածների համար հաշվարկում է գների շարժը ներկայացնող ժամանակային շարքեր՝ գների ինդեքսներ: Օրինակ՝ սպառողական շուկայի համար՝ սպառողական գների ինդեքս, ընդհանուր տնտեսության համար՝ ՀՆԱ-ի դեֆլյատորը, որը տնտեսությունում արտադրված բոլոր ապրանքների եւ ծառայությունների գների միջին աճն է, արտաքին առետրում՝ արտահանման գների ինդեքս, ներմուծման գների ինդեքս եւ այլն: Ցանկացած ինդեքսի հավելաճի տեմպն այդ հատվածի կամ ճյուղի գնաճն է եւ հաճախ ունի հաշվարկման մեթոդական առանձնահատկություն: Ինչպես աշխարհի բոլոր երկրներում, այնպես էլ ՀՀ-ում գնաճ տերմինը հիմնականում կիրառվում է, երբ խոսքը գնում է սպառողական գների ինդեքսի (ՍԳԻ) հավելաճի տեմպի մասին: Այն թեեւ ամբողջովին չի արտացոլում տնտեսությունը, սակայն առավել ընկալելի է հասարակության համար:

ՀՀ կենտրոնական բանկ

«ԺՈՂՎՈՒՐԳ». Նշենք, որ գնաճը սպառողական գների ինդեքսի հավելաճի տեմպն է: Սպառողական գների ինդեքսը ներկայացնում է սպառողական շուկայում գների շարժը:

ՏԵՂԵԿԱՅՎԱԾ

ԼՈՒՐ ԿԱԴՐ

Լուսանկարը՝ համացանցից



Երեկ Փարիզի կենտրոնում տեղի է ունեցել պարաօլիմպիկ խաղերի բացման արարողությունը: Արարողության մեկնարկին նախ վառվել է Պարաօլիմպիկ ջահը, որով տրվել է խաղերի մեկնարկը, ապա տեղի է ունեցել նաեւ դրոշների շքերթը. Հայաստանի դրոշակիրը եղել է պարաժամապարհ Գրետա Վարդանյանը:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել

«Հայմամուլ» ՓԲԸ
հեռ. 45-82-00, 45-19-11

«Հայփոստ» ՊՓԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ ԱՆՎՃԱՐ:



Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձնանք ձեր բարձրացրած բոլոր խնդիրներին:

ԱՌԱՋԱՐԿ
հայկական տպագիր մամուլից


«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային եւ/կամ քաղաքային հեռախոս՝ _____

Հեռ.՝ (060) 490049
0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ



Շիրակ	+11 +16 +28 +33	Արարատ	+23 +25 +38 +39
Կոտայքի լեռներ	+10 +16 +28 +30	Արմավիր	+20 +22 +37 +38
Կոտայքի նախալեռներ	+20 +23 +35 +36	Վայոց ձորի լեռներ	+11 +14 +29 +31
Գեղարքունիք	+11 +16 +25 +28	Վայոց ձորի նախալեռներ	+21 +23 +36 +39
Լոռի	+14 +18 +29 +33	Սյունիքի հովիտներ	+21 +24 +36 +39
Տավուշ	+18 +22 +31 +36	Սյունիքի նախալեռներ	+14 +17 +30 +32
Արագածոտնի լեռներ	+11 +14 +17 +20	ԼՂՀ	+13 +16 +29 +32
Արագածոտնի նախալեռներ	+16 +18 +28 +31	Երեւան	+30 +32 +36 +38

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
Հասցեն՝ ք. Երեւան, Աբովյան 22^ա/3, հեռ.՝ 010 54-64-23
Պետական գրանցման վկայականի համարը՝ 03Ա089086
տրված է 24.11.2010
Ստորագրված է տպագրության 29.8.2024

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆՂ» տպարան ՍՊԸ հրատարակչությունում
խմբագրություն հանձնված նյութերը չեն գրայնաչափում եւ
չեն վերադարձվում, Գ նշանով նյութերը գովազդային
հրապարակումներ են, որոնց համար խմբագրությունը
պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս
կամ ընթացիկ մեջբերումներ անելիս պետք է պարտադիր գրառել
հետևյալ նախադասությունը. «Շարունակությունը կարող էք
կարդալ «Ժողովուրդ» օրաթերթի այսօրվա համարում»: